

Date – 29/09/2024

Time - 7:30 -7:40Hrs

REGIONAL NEWS BULLETIN

HEADLINES (MORNING)

- 1. Ni 2 awh Commonwealth Parliamentary Association (CPA), India Region, zone-III, Annual Conference vawi 21-na chu nimin khan Assembly Session Hall-ah khar a ni.**
- 2. Art & Culture Minister Pu C. Lalsawivunga chuan Union Minister for Culture, Pu Gajendra Singh Sekhawat chu Art & Culture Department hnuai hmalakna leh ruahmanna an neih te a sawipui.**
- 3. Prime Minister Narendra Modi chuan vawiin chawhma dar 11 hian 'Mann Ki Baat' programme-ah ram chung leh ram pawn mipuite hnenah thu a sawi dawn**
- 4. President Droupadi Murmu chuan nimin tlai khan Rashtrapati Nilayam, Secunderabad-ah Bharatiya Kala Mahotsav edition hmasa ber a hawng.**

<><><>

CPA

Ni 2 awh Commonwealth Parliamentary Association (CPA), India Region, zone-III, Annual Conference vawi 21-na chu nimin khan Assembly Session Hall-ah khar a ni.

Nimina CPA, India Region, Zone- III Chairman Pu Sharingain Longkumar, Nagaland Legislative Assembly Spekaer kaihhruaia inkhawm ah Project hrang hranga ruahmanna leh thawhhona tha zawk a awm theih nan DoNER Ministry leh NEC chhunfin chungchang sawihovin India-ASEAN Vision for Trade and Cooperation hnuai Northeast Region tel ve dan tur chungchang ngun taka a ngaihtuah hnuah telh ve nise an ti a. Prime Minister kaihhruai Sawrkar laipuiin Northeast Region hmasawn nana 'Act East Policy' a kalpui chu tha tiin, hemi tichaka hmalakna zau zawk nein a nih theih nan Northeast Region chu India-ASEAN bilateral trade agreement-ah telh a, International Border a neihte chhawr tangkaia India ram thanna tha tichaktu a nih theih nan hmalak ni se an ti a ni.

India -Myanmar - Thailand Highway leh Kaladan Multi Modal Transit Transport Project-te zawhfel thuai tura hmalakte, International Trading outpost neih mek Moreh (Manipur), Zokhawthar (Mizoram) Pangsha leh Avangkhu (Nagaland) leh Pangs Pass (Arunachal Pradesh) leh a dangte pawh thumchak ni se tih a ni a. Northeast Region chu khualzin hip kawnga theihna nasa tak nei, hnam ziarang leh nunphung hrang hrang awmna a nih avangin hemi chawilar leh hmasawna ruhrel siam kawngah theihtawp chhuaha hmalak nise tih a ni a, hmun tin tuama eizawna siam tura tanlak nise tih a ni a. Northeast Region leh ASEAN ramte inkarah insumdawna leh thawhhona tha zawk siam a nih theih nan Cultural Exchange Program pawh siam tura hmalak nise an ti bawk.

21st Commonwealth Parliamentary Association India Region Zone -III kharna inkhawm hi nimin chawhnu lamah khan neih zui a ni a, Chief Minister Pu Lalduhoma pawh a tel a ni.



HOME MINISTER

Home Minister Pu K Sapdanga chuan nimin khan Khawzawl district SP pisa leh 2nd IR Battalion hmunpui a tlawh a, sipaite nen inkawmna hun an hmang nghal.

Pu K Sapdanga chuan ruihhlo do chungchangah thu sawiin tunlaia social media a thudik leh dik lo hriat hran a har tawh a, buai lohna turah mipui an buai phah thin tih a sawi a. Police te'n ruihhlo in thalai te nun a tihchhiat nasat em avangin thapui thawha do a ngai tak zet a ni tih a sawi a, mipuite tana fel leh tangkai ni turin Police-te chu a fuih bawk. Ruihhlo do kawngah hian tlawmngai pawlte leh mipuite pawh police te tha taka thawhpui theuh turin a chah a, tanrualna nen ruihhlo hi hneh ngei theih a beisei tlat thu a sawi bawk.

Kuhva tawlh ruk chungchangah Home Minister chuan hei hian kan kuhva rah chingtute leh Mizoram ram economy nasa takin a tibuai thei a, hemi dona kawngah hian police te, tlawmngai pawlte leh mipuite tha taka thawk ho turin a chah a, police te chu khauh taka dan kengkawh turin a fuih bawk a ni.



HOME MINISTER

Home Minister Pu K Sapdanga chuan nimin khan Khawzawl district SP pisa leh 2nd IR Battalion hmunpui a tlawh a, sipaite nen inkawmna hun an hmang nghal.

Pu K Sapdanga chuan ruihhlo do chungchangah thu sawiin tunlaia social media a thudik leh dik lo hriat hran a har tawh a, buai lohna turah mipui an buai phah thin tih a sawi a. Police te'n ruihhlo in thalai te nun a tihchhiat nasat em avangin thapui thawha do a ngai tak zet a ni tih a sawi a, mipuite tana fel leh tangkai ni turin Police-te chu a fuih bawk. Ruihhlo do kawngah hian tlawmngai pawlte leh mipuite pawh police te tha taka thawhpui theuh turin a chah a, tanrualna nen ruihhlo hi hneh ngei theih a beisei tlat thu a sawi bawk.

Kuhva tawlh ruk chungchangah Home Minister chuan hei hian kan kuhva rah chingtute leh Mizoram ram economy nasa takin a tibuai thei a, hemi dona kawngah hian police te, tlawmngai pawlte leh mipuite tha taka thawk ho turin a chah a, police te chu khauh taka dan kengkawh turin a fuih bawk a ni.



SCIENTISTS

Mizoram University-a zirtirtu panga leh research scholar pakhat chu tunhnai khan khawvela scientist tha ber pawl zaa 2 zingah telh an ni tih Stanford University in survey an neih na ah an puang.

Zirtirtu tha an thlan zingah hian Mizoram University hnuuia Department of Environmental Science ami Dr Prabhat Kumar Rai leh Department of Computer Engineering atangin Dr VD Ambeth Kumar leh Department of Chemistry atangin Dr Joydeep Das bakah Department of Forestry atangin Dr

Uttam Kumar Sahoo an tel a, heng bakah hian Mizoram University hnuai Pachhunga University-a zirtirtu Dr Dibya Prakash Rai leh Mizoram University Zoology Department a research ti mek Dr Sushanto Gouda te hming a lang a ni.

September 17-a Stanford University-in kum 2024 ranking a tihchhuahah hian kawng hrang hranga enfiah a ni a, field 22 leh sub-field 174-a an hnathawh hmanga teh a ni. Kumin hian India ramah hian a scientist 5,352 chu list-ah hian an tel a, nikum khan 4,635 an tel a ni.



SWACHHATA HI SEVA

Swachhata Hi Seva puala faina beihpui kalpui mekah sawrkar pisa leh zirna in hrang hrangah Faina hnatlang neih mek a ni a, Nimin khan District hrang hrangah pawl leh sawrkar department hrang hrangin an pisa leh a chhehvel ti faiin an hnatlang.

Lunglei ah chuan UD&PA Department Lunglei, Lunglei Municipal Council leh Lunglei District Sainik Welfare & Resettlement Office bakah Mizoram Ex-Services League Sub-Headquarters Lunglei țang ho chuan Lunglei khawpui chungah awm, indonaa ram tana nun hlante hriat rengna lungphun, War Memorial Lunglei hmunhma leh a chhehvel tifaiin an hnatlang a,

Lawngtlai ah chuan Electric Veng Village Council ten Faina Hapta hawngin veng chungah hnatlang an nei zui a, kawng ko leh Lungrem te, tuihawk luankawr leh then fai ngai ngaimawhawm laite an thianfai a ni.

Sorkar laipui Ministry of Information and Broadcasting hnuai awm Central Bureau of Communication (CBC) Field office, Aizawl chuan vawiin khan Gyanjyoti Foundation Skill Development and Training Centre, Chawlhmunah faina beihpui thlakna 'Swachhata Hi Seva' leh thing phun beihpui thlakna 'Ek Pek Maa Ki Naam' pual hian hun an hmang bawk.



CM AT CPA

Nimin chawhnu a Commonwealth Parliamentary Association India Region Zone -III inkhawmpui vawi 21-na kharna inkhawm Mizoram Assembly Session Hall-a buatsaiha Chief Minister Pu Lalduhoma chuan a telpui.

Thu sawiin Chief Minister chuan, he inkhawmpui ni hnih chhung inpawh taka India hmarchhak hmasawna tur an sawihona te khan hmarchhak state te inkarah inunauna tha zawk, inhriattawna thuk zawk leh thawhhona tha zawk a thlen ngei dawn a ni, a ti a. Mizoram hian rambuai a tawh avangin hmasawna hna thawh kawngah a tlai bik a. Nimahsela, state dangte um reng renga awm erawh sorkarin tum loh thu a sawi a. Kum 2047 a ram changkang zing a India ram hlan kai tumna kal zelah hian nasa taka beitu Mizoram nihzia pawh kan Sustainable Development Goals (SDGs) Index atangin a hmuh theih a ni a ti. Kum 2023-24 SDG index, NITI Aayog in an tihchhuahah khan Mizoram chuan 72 hmu-in India rama a titha pawl a ni a ti. Hmabak la awmte bawhzui zung zung a nih theih na'n Central sawrkar tanpuina tam zawk

mamawh a nih thu leh. Mizoram chauh ni lovin, hmarchhak state zawng zawngte'n an mamawh a ni a ti.

Hmarchhak bial hmasawna tura tha thawhtu pawimawh chu DoNER leh NEC te hi an nih thu a sawi a. Anni hi tihchak deuh deuh a tul a. Nimahsela, anni pahnih hmalakna hi inbawhtuah leh inhne rual lo a awm thin a. Hei hian harsatna a siam thin tih hriat a nih thu a sawi a. Sawihona a thutlukna an siam ang ngei-in, DoNER leh NEC te hi chhunfin (merge) an nih chuan chak lehzualin hmarchhak bialten an mamawh te pawh min phuhruk thei zawkin a rinawm a ni, a ti.

Chief Minister hian Bana Kaih ruahmanna hmanga Viksit Bharat 2047 tihhlawhtling tura hma lak an tum dan tarlangin, he scheme a hlawhtlin theih nan hian DoNER leh NEC te thawhpaina Mizoramin a mamawh thu a tarlang a. NEC a lo changtlun lehzual theih nana rawtna a neihte a sawi bawk.

<><><>

PM MANN KI BAAT

Prime Minister Narendra Modi chuan vawiin Pathianni chawhma dar 11 hian 'Mann Ki Baat' programme-ah ram chung leh ram pawn mipuite hnenah thu a sawi dawn a, hei hi Mann Ki Baat vawi 114-na tur a ni ang. Pu Modi-a'n Prime Minister a nih chhunga episode lina a ni dawn bawk a ni.

He programme hi Akashvani leh Doordarshan network pumpui, AIR News website leh Newsonair mobile app-ah te tihchhuah a ni ang a, AIR News, DD News, PMO, leh Information and Broadcasting Ministry-a YouTube channel-ah live-stream a ni bawk ang. Akashvani hian Hindi broadcast zawh veleh regional language-ah a pe chhuak nghal dawn a ni.

<><><>

PRESIDENT

President Droupadi Murmu chuan nimin tlai khan Rashtrapati Nilayam, Secunderabad-ah Bharatiya Kala Mahotsav edition hmasa ber a hawng.

President chuan ram chhunga hnam nunphung humhalh leh tihhmasawn chu mitin mawhphurhna a ni a ti. Hmarchhak state-te nunphung hrang hrang, hnam lam, rimawi, thiamthil, leh hnam ziarang te chu ram rohlu a nih thu sawiin, President chuan Bharatiya Kala Mahotsav chu mipuite'n hnam leh khawtlang an hriat chian zawkna tura hmalakna a nih thu a sawi a ni.

President chuan Mahotsav hi culture tihhmasawn na'na hun remchang a nih thu sawiin, hei hian hmarchhak leh chhim lam inkarah hmasawna a thlen theih a beisei thu a sawi a ni.

<><><>